

O babbu soberanu,

Ch'in sos chelos istades

E sempre nos mirades

Chin amore.

O supremu Sennore,

Su nomen bostru santu

Siat esaltadu tantu

In chelu e in terra.

Semus sempre in guerra,

Benzat su regnu 'ostru,

Chi est puru regnu nostru

'E santidade.

Sa 'ostra voluntade

Fachimus dolcemente

In sa terra, comente

Est fatta in chelu.

Como cun tantu zelu

Su pane cada die

Dimandamus a chie

Est Babbu 'onu.

Nois damus perdonu

A sos nemigos nostros,

Bois sos peccados nostros

Perdonade.

Tenidende piedade

De sos fizos tentados;

Continuos insidiados

Nos sentimus.

Da-e su male pedimus

De esser liberados,

E in su chelu jamados

A sa gloria.

Amen.